

KERATAN AKHBAR

TARIKH : 16 MAC 2023
AKHBAR : KOSMO
MUKA SURAT : 4

Malaysia tidak akan mengalami kegawatan ekonomi



EKONOMI Malaysia diunjurkan berkembang pada kadar 4 hingga 4.4 peratus oleh Bank Dunia dan IMF tahun ini. – GAMBAR HIASAN

Malaysia tidak akan mengalami kegawatan ekonomi

KUALA LUMPUR – Malaysia tidak akan mengalami kegawatan ekonomi pada tahun ini, sebaliknya dijangka berkembang sekitar 4.5 peratus.

Timbalan Menteri Kewangan, Steven Sim Chee Keong berkata, jangkakan itu seiring dengan unjuran oleh Tabung Kewangan Antarabangsa (IMF) dan Bank Dunia.

"Masing-masing mengunjurkan kadar pertumbuhan ekonomi Malaysia pada 4.4 peratus dan 4 peratus tahun ini.

"Berdasarkan takrifan kegawatan atau kemelesetan ekonomi secara teknikal adalah apabila sesebuah negara mengalami penguncupan ekonomi suku tahunan sebanyak dua kali berturut-turut," katanya pada persidangan Dewan Rakyat di sini semalam.

Beliau menjawab soalan Wan Hassan Mohd. Ramli (**PN-Dungun**) mengenai langkah kerajaan bagi menangani masalah kegawatan ekonomi pada 2023 untuk meminimumkan kesannya kepada rakyat.

Chee Keong berkata, kerajaan akan terus mengukuhkan pertumbuhan ekonomi negara

dan pembangunan saksama untuk rakyat.

Menurutnya, kerajaan akan menjadikan Malaysia sebagai sebuah destinasi pelaburan yang lebih menarik dengan mudah cara proses pelaburan.

"Mewujudkan lebih banyak syarikat pemula berinovasi tinggi dan mencipta lebih banyak peluang pekerjaan dengan pendapatan setimpal," ujarnya.

Tambah beliau, bagi menangani kesan kenaikan harga barangan keperluan asas, kerajaan melaksanakan pemberian subsidi dan bantuan tunai dengan peruntukan RM64 bilion.

Selain itu katanya, kerajaan juga melaksanakan program Menu Rahmah dan Jualan Rahmah di bawah agenda Payung Rahmah, di samping meneruskan program penetapan harga siling serta penyeragaman harga bagi barangan tertentu.

"Bagi membina semula Perusahaan mikro, kecil dan sederhana dalam tempoh pasca pandemik, kerajaan menyediakan dana insentif, potongan cukai, pinjaman dan jaminan pembiayaan dengan peruntukan lebih RM40 bilion," katanya.